



Oecumenische bieveenkomst

15 november 2015

**Dêle is vermênigvuldige**



Uutleg bie de têkenienge.

“Dêle is vermênigvuldige” is het thema voe vanmirreg.

Een bekende lezieng is het verhaal van de vuuf broaden en de twi vissen. Die zie me ok op de têkenienge in een ronde cirkel, die a de wèrld voorstelt. Het anker, een têken van hoop en vastigheid op aerde. De duve, as têken van vrede. De uutgestoke anden, die a geve en ontvange.

Jopie Minnaard.

## Liturgie Ellesdiek 15 november 2015

Thema: “Dêle is vermênigvuldige”

Urgelspel (Bert Alderliesten)

Welkom (Corry Verburg)

(me gae stae)

Zienge Lied 280 vers 1 t/m 5 NLB

1. De blieschap brientg oans nae dit uus  
wan 't Woord gaet ier z'n gank.

God roept zien Naem over oans uut  
dus brientg Um eêr en dank!

2. Dit uus van out en steên dat ei  
a eêl wat sturm deurstae.

Gebeden bin ier uut'ezeid -  
den emel in'egae.

3. Een uus dat a de sporen draegt  
van wat a mènsen bin.

Mèr ienkel a God aolles schraegt  
ei ier 't gebeuren zin.

4. Is dit een plekke wir a oans  
Joen emel open zie?

Brientg ier Joen iengel liefd' en troôst,  
bluuf Jie oans aoltied bie?

5. Geef Jie oans ier een nieuw uutzicht,  
bluuf bie oans mie Joe Naem.

Zet Jie oans in Joe louter licht  
en zegen oans ier saem'.

Durpelgebed (Ria Keijzer-Meeuwse)

(me gae zitte)

Muziek *Siciliano uit Sonata in F.Major*  
*Antonio Vivaldi*  
(Bert Alderliesten en Corella Nijssse)

Lezieng Psalm 122 vers 1, 2 en 3 (Jan Minnaard)

Zienge Psalm 122 vers 1, 2 en 3

1. Van blieschap gae m'n art te keêr  
a mènsen zegge kom, me gae,  
wees blie, riest op en doe oans nae.  
Gae mee nì 't uus van oanzen Eêr!  
Jeruzalem, wir a 'k van ou-  
zò a je blienkt in 't licht, je bouw-  
Nì joe toe loôpe aolle voeten.  
Vanuut de varte zie me joe.  
Je foenkelt en je blienkt oans toe,  
zò zù me God in joe ontmoete.
2. De stammen bin op pad 'egae,  
ze stroôme toe van aolle kant.  
Jie bin d'r tuus, d'r vaoderland.  
Pelgrims è j' aoltied an'edae .  
Jeruzalem, wir a 'k van 'ou-  
zò a je blienkt in 't licht, je bouw-  
me zulle in joe Gods Naem eêre.  
D'n troan van David, God z'n knecht  
neffen de rechterstoel 'ezet,  
zò kan 't recht aol ten goede keêre.

3. Jeruzalem, jje gouwe stad,  
mie art' en ziele bid ik joe  
mie je beweuners vrede toe:  
da julder vree vind' op je pad!  
Jeruzalem, wir a 'k van 'ou –  
zò a je blienkt in 't licht, je bouw –  
meug' in je poorten vrede weze.  
Voe ieder die t'r binnen gaet,  
voe elk die in je tempel staet;  
zò wor in joe Gods Naem 'epreze!

Muziek *Giga uit Sonate in d-kl*  
*Robert Valentine*

Lezieng Jewannes 6:1 - 15 (Rie van Kleunen)

Zienge Gezang 37b vers 1, 2 en 3 Liedboek voor de Kerken

The image shows a musical score for a hymn. It consists of five staves of music, each with a treble clef and a key signature of one flat (B-flat). The lyrics are written below the notes. The first staff has the lyrics 'Ze - ve - ne, ge - noeg was't'. The second staff has 'vuuv' en tweê,'. The third staff has 'ze - ve - ne, ge - noeg was't'. The fourth staff has 'voe vuuf - du - zend'. The fifth staff has 'in et gos rond - om de zeê.' The music is in a simple, folk-like style with a steady rhythm.

2  
Zevene, genoeg is't -  
broôd en vis,  
m' è genoeg an Jezus  
mie z'n aollen  
a de krieng'esloten is.

3  
Zevene, genoeg is't  
toen en noe,  
zevene, genoeg is't  
aol m'n daegen:  
Eêuwigen, me danke Joe.

## Overdienkieng

Muziek      *Adagio uit Sonate d-kl*  
                 *Robert Valentine*

Voorbeden    (Hannie Oele)  
mie acclamatie

Dir a liefde is van mens toet mens,  
Dir a liefde is, weun God onder oans.

## Oanze Vaoder

Oanze Vaoder in den emel  
Joe Naem wor 'eheiligd  
Je koninkriek za komme  
Je wil za geschiede  
zòwel in den emel as ok op d'aerde.  
Geef oans heden oans daegelijks broad  
En vergeef oans oanze schulden  
Zòas oans ok vergeve die oans wat schuldig bin.  
En brieng oans nie in verzoekieng

mae verlos oans van et kwaeje.  
Want van Joe is et koninkriek  
en de kracht en de heêrlijkheid  
tot in eêuwigheid. Amen.

Collecte D'n eêsten is voe Netherlands Sri Lanka en d'n twidden  
voe de onkosten van de bieeênkomst.  
In oktober was de opbriengst voe Netherlands Sri Lanka  
161,57 euro en voe de onkosten 136,38 euro

Muziek *Allemanda uit Sonata in F.Major*  
*Antonio Vivaldi*

(me gae stae)

Zienge Lied 484 vers 1, 2, 5 en 6 Randstadbundel

1. Verkondig aolle mensen  
De vreugde van mien Woord  
Het visioen van vrede  
Wor dan nooit mi verstoord

2. Verkondig an een ieder  
Die ier gebore wordt  
Me bin nie langer vreemde  
Mè kinders van één God

5. Verkondig an wie zoeke:  
Nie eêuwig duur je noad  
Ik bin je weg ni vrede  
Ik bin je levensbroad

6. Verkondig aolle mensen  
Wat a ier is ezeid  
Een nieuwe geêst van vrede  
Wor in je'n art' eleid

# Zegenbede

## Lied 421 NLB



The image shows two staves of musical notation in G major and 6/8 time. The melody is simple and repetitive. The lyrics are written below the notes.

Vre-de voe joe, Vre-de voe joe, Vre - de voe joe  
Vre-de voe joe, Vre-de voe joe, Vre - de voe joe

(me gae zitte)

Slotwoord

De oecumenische bieënkost is binnenkort te beluisteren op [www.ellesdiek.nl](http://www.ellesdiek.nl) onder het kopje Oecumene.  
Je kan di ok de liturgie bekieke.